
Migrazio-erronka berriei erantzun integrala emateko Eusko Jaurlaritzaren estrategiaren egokitzapena

Europako, Estatuko eta EAEko
eremuetako ekimenen esparrua

2018ko iraila

Euskadi, auzolana, bien común

Sarrera

Migrazio-mugimenduek Europaren erantzuna eskatzen duten arazo bat dira. Dena den, erantzuna ez da soilik Europarena; Estatuarena, EA Erena, foru-aldundiena eta udalena ere bada. Batetik globalizazioaren eta bestetik injustizien eta desparekotasunen ondorio diren migrazio-prozesuek eskumen-maila guztietan eragiten digute.

Gaur egun, migrazio-mugimenduen barruan, errealitate ezberdinak nahasten dira: errefuxiatuak, asilo-eskatzailleak, sistematik kanpo geratzen diren asilo-eskatzailleak, aberrigabeak, bidaidetik gabeko adingabe atzerritarrak, bidaidetik gabeko gazte atzerritarrak, iragaitzako zein geratzen diren migratzaile ekonomikoak, Europako beste herrialde batzuetatik itzuli dituzten migratzaileak, ahultasun-egoeretan dauden migratzaileak...

Bestalde, migrazio-erronkak badu lotura erronka demografikoarekin. Europako gizarteek —eta EAEkoak, bereziki— etorkinen ekarpenaren behar objektiboa dute ongizate-ereduari eusteko. Gaur egun, munduko herrialde aberatsenak dira migrazio-fluxuak hartzen eta integratzen eta beren barruan kulturen eta erlijioen arteko elkarbizitza bultzatzen ondoen jakin dutenak.

Migrazio-erronkari erantzuna ematea elkartasunaren betebeharrak etimologia eta arazuko betebeharrak da; baina, aurrerapenaren eta oparotasunaren betebeharrak ere bada.

EAEko erakunde publikoek eta gizarte-erakundeek migrazio-fenomenoei erantzun antolatua eta solidarioa emateko sistema bat eratu dugu EAEn, gure eskumen-eremutik harago ere. Sistema ez da perfektua, eta ez dago amaituta; baina integrala da, eta saiatzen da errealitate aldakor bati erantzunak ematen.

Hala ere, hori guztia, beharrezkoa bada ere, ez da nahikoa. Ezinbestekoa da hobetzen jarraitzea gure garaiaren konplexutasunak bereizgarri duen erronka horri ematen diogun erantzuna. Testuinguru honetan, Eusko Jaurlaritzak, Enplegu eta Gizarte Politiketako Sailaren bidez, Giza Eskubide, Bizikidetzak eta Lankidetzaren Idazkaritza Nagusiarekin lankidetzan, honako ekimen hauek onetsi ditu hartutako konpromisoari eta orain arte egindakoari jarraipena emateko:

- Europako eremuan, SHARE Proposamena aurkeztea. Dokumentuaren lehen zatian garatuko da. Ekimenaren helburua da migratzaile mota desberdinei harrera egiteko eta integratzeko ahaleginaren lurralde-banaketarako gako bat era transbertsean adostea Europako eremuan. Proposamena zenbait estatuz azpiko gobernuarekin partekatuko da, hura elkarrekin sustatzea aztertzeko, Europako erakundeei eskaintzen eta zuzentzen zaien konpromiso gisa.
- Estatuko eremuan, Eusko Jaurlaritzak lan partekatuko agenda bat eskainiko dio Espainiako Gobernuari, Europaren erantzun integral bat eratzeko migrazio-erronkaren aurrean. Dokumentuaren bigarren zatian garatuko da. Proposamen irekien multzo bat da, zeinen helburua baita dauden erakunde-eremuen artean esku-hartze harmonizatua garatzea.
- EAEko eremuan, migraziorako EAEko gizarte-itun bat sustatuko da; zenbait arlotan eraturako erakundearen arteko eta gizarteko lan-mahaiak finkatuko dira, eta proposatuko da haiek Immigrazioako Foroarekin koordinatzea ikuspegi integral eta globalarekin. Lan-mahaiaren eta lantaldeen egitura horrek bost helburu izango ditu, gutxienez: (1) “**Immigrazio erregularizatua** sustatzea”, (2) “**Errefuxiatuei** erantzun egokia ematea”, (3) “**Migratzaileen** arautu gabeko etorrerari elkartasunez eta era humanitarioan erantzuteko behar diren baliabideak antolatzea”, (4) “Migratzaileei, **bidaidetik gabeko adingabe eta gazte atzeritarrei arreta berezia jarritz**, harrera egiteko eta haiek integratzeko erantzunak koordinatzea eta optimizatzea”, eta (5) “Migraziorako **EAEko Gizarte Ituna** sustatzea”.

Lehenengo zatia: Europako eremua

SHARE Proposamena

Europar Batasunean migrazioaren erronkari heltzeko
erantzukidetasun-printzipioa era transbertsalean
aplikatzeko mekanismoa

Sarrera

Eusko Jaurlaritzak SHARE Proposamena (partekatzea) formulatu du. Proposamenaren helburua da Europako eremuan erantzunkidetasun-printzipioa eragin-esparru transbertsalean aplikatzea eta gauzatzea. Transbertsalitaterako bokazioa da bere funtsezko ekarpena.

Erantzunkidetasunaren printzipioa aplikatzeak esan nahi du konpromiso arduratsuaren bidez erantzuna partekatzea. Proposamenaren esparruan, "Share" terminoak —*partekatzea*— esanahi bikoitza dauka. Batetik, esan nahi du eskubide eta betebeharrak emanda tokia egitea bizi-proiektu baten bila datozenei. Eta, bestetik, esan nahi du europar sentitzen garenok jabetu behar dugula migrazio-erronkari eman behar behar zaion erantzunak koordinatua, antolatua eta jasangarria izan behar duela.

Migrazio-erronkari eman beharreko erantzuna azterketa- eta borondate-kontua da; baina, horrez gain, ezinbestekoa da antolaketa- eta eragiketa-osagaia, zeinak aukera emango baitu erantzunkidetasun-printzipio hori errealitate bideragarria, jasangarria eta era transbertsalki aitorgarria bihurtzeko, eta diskurtso toxikoak zein beldur eta zurrumurru funsgabeak deuseztatuko baititu.

Eusko Jaurlaritzak migrazio-fenomenoaren arloan erantzunkidetasun-printzipioa aplikatzeko egin duen proposamena SHARE Proposamena da. Balio eta ideal europarretan oinarritutako elkartasunaren betebeharra erantzukizunez eta era sistematizatuan partekatzeko mekanismo zehatz bat.

Zehazki, SHARE Proposamenak bi elementu ditu: (1) Migrazio-erronkaren aurrean, harrerako eta integrazio-ko konpromisoa banatzeko gako transbertsala, eta (2) gako hori zer gai- eta lurralde-eremutan aplika daitekeen.

Partekatzetik abiatzea proposatzen dugu. Izaera transbertsala da proposamenaren berritasuna; baina berritasuna izango da, halaber, Europako estatuz azpiko zenbait gobernuak estatu-gobernuei proposamenak aurkezten duen moduko konpromiso bat hartzeko gure prestutasuna helarazteko gauza izatea ere. Azken batean, horrela, ideia honekin laburbil daitekeen mezua igorriko genieke: "Konpromisoa eskatu eta eskaintzen dugu".

1. Migrazio-erronkaren (bere osotasunean) aurrean, harrerako eta integrazioko konpromisoa banatzeko gako transbertsal bat

Proposamenaren formulazioa

SHARE Proposamena honetan datza: Europako-eremuan era transbertsalean migratzaileen harrerarako eta integratziarako ahaleginaren mota guztiak lurraldeka banatzeko gako bat adostean. Eusko Jaurkitzak hiru parametrotan oinarritu du proposamena¹:

- diru-sarrera fiskalak, % 50eko pisuarekin;
- biztanleria, % 30eko pisuarekin;
- eta langabezia-tasa, % 20koarekin.

Proposamena irekia da, noski. Haren planteamendua, parametroak edo horien pisuaren ehunekoak aldatu ahal izango dira, ahalik eta adostasunik onena eta zabalena erdieste aldera.

Justifikazioa

Ahalegina nahiko era orekatuan partekatzeko mekanismo bat eman lezake proposamenak. Erantzunkidetasun-printzipioari heltzeko modu zehatzari eragiten dioten hiru parametro kontuan hartu dira. Parametro bakoitzak oinarri bat du atzean:

- Lehenik, diru-sarrera fiskalak. Horrela, proposamenak aukera ematen du lurralde-eremu bakoitzeko egoera eta baliabideak kontuan hartzeko ahalegina banatzerakoan.
- Bigarrenik, biztanleria. Proporzionaltasun-faktore bat da, eta, hala, laguntzen du ahalegina partekatzeko modu orekatu eta zentzuduna ezartzen.
- Hirugarrenik, langabezia-tasa. Langabeziaren aldagaia kontuan hartu behar da, migratzaileen integratzioko lotura zuzena baitu haien laneratzearekin.

¹ Proposamena *Königstein* gakoan inspiratuta dago, zeina Alemanian erabiltzen baita asilo-eskatzailak estatu federatuen artean banatzeko. Alemanian, estatu federatu bakoitzak jasoko zituen asilo-eskatzailen kopurua zehazten zuten parametroak honela oinarritu ziren: 2/3 haren zerga-sarreretan, eta 1/3 haren biztanle kopuruan.

2. Gakoa zer gai- eta lurralde-eremutan aplika daitekeen

Proposamen honen eta SHARE gakoaren aplikazioa hiru gai-eremutan eta hiru lurralde-eremutan proiektu daiteke era transbertsalean:

2.1. Gai-eremuak

- **Errefuxiatuak.** Errefuxiatuen eta asilo-eskatzailen banaketa transbertsal bati aplikatzea SHARE gakoa.
- **Erregularizatu gabeko egoeran dauden migratzaileak.** Larrialdi humanitarioko egoeran, ahultasun-egoeran edo erregularizatzearen zain dauden migratzaile ekonomikoen banaketa transbertsal bati aplikatzea SHARE gakoa.
- **Bidaiderik gabeko adingabe atzerritarrak.** Bidaiderik gabeko adingabe atzerritarren estatu bakoitzaren barruko banaketa transbertsal bati aplikatzea SHARE gakoa.

2.2. Lurralde-eremuak

- **Estatuak.** EBren barruan SHARE gakoa proposatzea, estatuen artean banatzeko errefuxiatuak, asilo-eskatzailak eta larrialdi humanitarioko egoeran, ahultasun-egoeran edo erregularizatzearen zain dauden migratzaile ekonomikoak.
- **Autonomia-erkidegoak edo eskualdeak.** Estatu bakoitzaren barruan SHARE gakoa proposatzea, autonomia-erkidego edo eskualdeen artean banatzeko errefuxiatuak, asilo-eskatzailak eta larrialdi humanitarioko egoeran, ahultasun-egoeran edo erregularizatzearen zain dauden migratzaile ekonomikoak eta bidaiderik gabeko adingabe atzerritarrak.
- **Udalerrak eta eskualdeak.** Autonomia erkidego edo eskualde bakoitzean SHARE gakoa proposatzea, udalen eta eskualdeen artean banatzeko errefuxiatuak, asilo-eskatzailak eta larrialdi humanitarioko egoeran, ahultasun-egoeran edo erregularizatzearen zain dauden migratzaile ekonomikoak.

**Migrazio-erronkaren aurrean
Europaren erantzun integral bat
eratzeko lan-agenda bat Espainiako
Gobernuarekin partekatzeko Eusko
Jaurlaritzaren proposamena**

Eskumen-eremuak		
Europar Batasuna	Espainiako Gobernuak	Euskal Autonomia Erkidegoa Eusko Jaurlaritza
<p>Gaikako helburuak</p> <p>•Ekintza transbertsalak.</p> <p>Politika erkide eta transbertsaleko ekintzak sustatzea, migrazio-erronkari bere osotasunean erantzuteko, elkartasunaren, justiziaren eta giza eskubideen balio eta ideal europarretan oinarrituta.</p>	<p>Espainiako Gobernuak</p> <p>•Bidezko eta borondatezko banaketa-gako bat era transbertsalean eratzea migrazio-erronkaren aurrean Espainiako Estatuak eman behar duen barne-erantzunean (SHARE Proposamena).</p> <p>•Migrazio-erronkari bere osotasunean eman behar zaion erantzuna artikulatzeko, optimizatzeko eta bateratzeko helburu espezifikoak izango duen ministroarteko organo edo agentzia bat sortzea.</p> <p>•Estatuko Gobernuak autonomia-erkidegoekin, udalekin eta gizarte-eragileekin lankidetzan jarduteko, koordinatzeko eta informazioa trukatzeko organo iraunkorra sortzea.</p> <p>•Migrazio-erronkak duen dimentsioak eskatzen duen neurrian handitzea aurrekontu-baliabideak.</p>	<p>Helburua</p> <p>•Bidezko eta borondatezko banaketa-gako bat era transbertsalean eratzea EAEk migrazio-erronkari eman behar dion erantzunean.</p> <p>•SHARE Proposamenaren bidez estatuz azpiko eragileen eta gizarte-eragileen Europako aliantza bat eratzea migrazio-erronkari erantzun konprometitu emateko.</p> <p>•Migrazio-erronkari begira erantzun guztiak Immigrazioarako Forotik koordinatu.</p> <p>•EAEko demokrata guztiak elkartasunean eta erantzunkidetasunean oinarritutako harrera- eta integrazio-pedagogiaren alde lerrokatuko dituen gizarte-itun bat sustatzea.</p> <p>•Migrazio-erronkak duen dimentsioak eskatzen duen neurrian handitzea aurrekontu-baliabideak.</p>
<p>Egindakoa edo aurreikusitakoa</p> <p>•Share Proposamena prestatu da.</p> <p>•Ekimena datoen hilabeteetan garatzea aurreikusten da.</p> <p>•Koordinazio-lan horiek bere gain hartuko dituela aurreikusten da. Osoko bilkurak eta batzordeak ditu eta hauekin lantalde desberdinek bat egingo dute.</p> <p>•Prozesua hasi da. Foroko lantalde berrietako bat itunean zentratuko da.</p> <p>•Lau milioi euroko aparteko partida bat dago erabilgarri.</p>		

Eskumen-eremuak				
	Europar Batasuna	Espainiako Gobernua	Euskal Autonomia Erkidegoa Eusko Jauriaritza	
<p>Gaikako helburuak</p> <p>-Immigrazio erregularizatua.</p> <p>Immigrazio erregularizatu ordenatua eta adostua sustatzea, jatorrizko herrialdeetako errealitatea eta Europan erronka demografikoak planteatzen dituen beharrak kontuan hartuta.</p>	<p>-Hirugarren herrialdeetarako Estatu-kideen baliabide kontsularren hornidura hobetzea eta migrazio erregularizaturako ordezkari-tza diplomatiko desberdinen koordinazioan lidergo handiagoa onartzen laguntzea.</p> <p>-Aldi baterako migrazio zirkularra bultzatzea Europan, garapenerako lankidetzaren aldeko Europako politikekin bat etorriz.</p> <p>-Informazioa biltzea hobetzea, eta gai honetan praktika onen trukatzea bultzatzea estatu kideen artean.</p>	<p>-Kontsul-baliabideak sendotzea eta jatorriko herrialdeetan bizileku-, lan- eta ikasketak-bisak eskuratzea bultzatzea, immigrazio-segurua lortzeko.</p> <p>-Gobernu autonomikoek eta eskualdeetako gobernuek lan- eta bizileku-baimenak kudeatzeko eskumenak eta baliabideak izan ditzaten behar diren lege- eta araudi-aldaketak sustatzea.</p> <p>-Aldizkako migrazio zirkularra erraztea eta bultzatzea ikasketak- eta lan-arrazoiengatik.</p>	<p>Helburua</p> <p>-Immigrazioaren eremuan jarduketa integraleko plan bat izatea, zeinak garrantzi handia emango baitie harrerako, integrazio eta kultura-aniztasuneko estrategiei.</p> <p>-Estatuko administrazioarekiko lankidetzaren sustatzea eta proposiziozko jarduketa bat aurrera eramatea aurreko zutabearen aurkeztutako proposamenen ildotik.</p> <p>-EAEen erakunde- eta gizarte-eragile guztiekiko koordinazioa dinamizatzea, baita dauden baliabideak harmonizatzea ere.</p> <p>-Erronka demografikoaren ondorioz EAEko gizarteak duen etorkin-beharrei buruzko azterlana enkargatzea.</p>	<p>Egindakoa edo aurreikusitakoa</p> <p>-Herritasunaren, kulturartekotasunaren eta immigrazioaren esparruan jarduteko V. Plana aurten onetsi da (ekaina).</p> <p>-Jarduera etenik gabe egiten ari da.</p> <p>-Immigrazioarako foroan egiten ari da zeregin hori.</p> <p>-Azterlana Ikuspegiri enkargatuko zaio 2018. urtea amaitu aurretik.</p>

Eskumen-eremuak				
	Europar Batasuna	Espainiako Gobernua	Euskal Autonomia Erkidegoa Eusko Jaurlaritza	
<p>Gaikako helburuak</p> <p>•Errefuxiatuak.</p> <p>Nazioarteko babesaren eskatzaileen eta errefuxiatuen harrera eta integrazioa kuantitatiboki zein kualitatiboki hobetzea.</p>	<p>•Europako Agentziaren (EASO) eskumenak sendotzea eta zabaltzea nazioarteko babesaren eskatzaileen eta errefuxiatuen harrerari eta integrazioari, begirada jarriaz bereziki.</p> <p>•Asilo-eskaerak aztertzeke Europako bulegoak sendotzea eta bere kopurua handitze, UNHCR erakundearekin lankidetzan, jatorrizko, mugakide eta iragate herrialdeetako enbaxadetan eta kontsulen bulegoetan asiloa eskatzeko aukera bermatzeko.</p> <p>•Asilorako prozedura azkarreko Europako estandar bat ezartzea, dauden praktika onak aintzat hartuz, Herbehereek ezarritako eredu adibide gisa.</p> <p>•Bidezko eta borondatezko banaketarako gako bat era transbertsalean eratzea nazioarteko babesaren eskatzaileei eman beharreko erantzun espezifikoan, hartara erantzuna kuantitatiboki zein kualitatiboki hobetu ahal izateko. (SHARE proposamena).</p> <p>•Estatuek erantzukizunaren beren zatia hartzea sustatzeko neurriak ezartzea.</p>	<p>•Espainiako eredu eraldatzea, Harrera eta Integrazio Sistema kuantitatiboki zein kualitatiboki hobetzeko eta arintzeko. Honako hauen moduko proposamenak kontuan hartuta.</p> <p>•Gobernu autonomikoeke eta tokiko gobernuak nazioarteko babesaren eskatzaileen eta errefuxiatuen harrera- eta integrazio-prozesuetan parte hartu dezaten sustatzea, 12/2009 Legearen (Asiloaren Legea) 31. artikulua aldatuz.</p> <p>•Asiloaren Legeak egiteke duen erregelamendu bidezko garapenari ekitea, eta haren esparruan sartzea aurreko aurreikuspena.</p> <p>•Aukera ematea enbaxadeke eta kontsulatuak asilo-eskaerak izapidetzeko.</p> <p>•Bidezko eta borondatezko banaketa-gako bat era transbertsalean eratzea errefuxiatuen eta asilo-eskatzaileen harrerarako eta integrazioarako Espainiako Estatuak eman behar duen barne-erantzunean (SHARE Proposamena).</p> <p>•Asilo-eskatzaileen harrerarako bide segurua bultzatzea, Korridore Humanitarioen formularen, familia berrelkartzearen edo ikasketa-beken bidez.</p> <p>•Autonomia-erkidegoekin adostuta babes komunitarioen bidea sustatzea.</p>	<p>Helburua</p> <p>•Errefuxiatuen harreraren eta integrazioaren eremuko jarduketara integraleko plan bat izatea.</p> <p>•Parte hartzen duten EAEko erakunde publiko eta gizarte-eragile guztiak koordinatzea.</p> <p>•Ahulezia humanitarioko egoerak arintzeko baliabideak ematea, batez ere adingabeei, migratzaile-errefuxiatuei edo gerraren, bidegabekeriaren edo beste larrialdi humanitarioen biktimei eragiten badiete.</p> <p>•Errefuxiatuen eta asilo-eskatzaileen harrera eta integrazioa bultzatzea.</p> <p>•Errefuxiatuak eta asilo-eskatzaileak iristeko bide segurua sustatzen laguntzea.</p> <p>•Nazioarteko babesaren eskatzaileentzako lehen harrerako zentro bat sortzea.</p>	<p>Egindakoa edo aurreikustakoa</p> <p>•Eusko Jaurlaritza 2017ko ekainetik dauka tresna hori.</p> <p>•Badago lan-mahai bat, Immigrazioako Foroarekin koordinatutako lantalde bat izango dena.</p> <p>•2.000.000 eurorekin erantzun zaie UNHCR, Save The Children, Unicef, Zaporeak eta abarren deiei. SMHren salbamendu-ontzi bat itsasoratzen lagundu da.</p> <p>•2015. urteaz geroztik EAEn 463 leku sortu ditugu, eta horiek 2.000 pertsona inguru hartu dituzte.</p> <p>•Korridore Humanitarioen bidea proposatu dugu. Espainiako Gobernuarekin bi esperientzia pilotu sustatu ditugu. Babes komunitarioa defendatu dugu UNHCRekin.</p> <p>•Zentroa 2018ko irailean inauguratuko da, Oñatin.</p>

Eskumen-eremuak	
Europar Batasuna	Euskal Autonomia Erkidegoa Eusko Jaurlaritza
<p>Gaikako helburuak</p> <ul style="list-style-type: none"> -Erregularizatu gabeko egoeran dauden erantzun migratzaileei eskaini behar dieten erantzun humanitarioak gutxieneko estandar europarrak ezartzea, eta horretarako behar diren baliabide ekonomikoez hornitzea. -Migratzaileen jatorriko herrialdeekiko akordioak sustatzen aitzindari izatea eta horiek dinamizatzea, kogarapena, lanbide-heziketa eta desparekotasunak gainditzea sustatzeko. -Pertsona-salerosketako sareen eta mafien aurkako borroka koordinaturako baliabideak handitzea, eta haiek kokatzen diren herrialdeekiko konpromisoak handitzea. 	<p>Espainiako Gobernuak</p> <ul style="list-style-type: none"> -Paperik gabeko migratzaileen eta ahultasun-egoeretan dauden migratzaileen harrerarako, integrazioarako eta erantzun humanitarioako programak eguneratzea eta migrazio-fluxu berriek planteatzen dituzten behar berrietara egokitutako programa bateratu batean bilitzea. -Paperik gabeko migratzaile ekonomikoak eta ahultasun-egoeretan dauden migratzaileak iristearren aurreko erantzunean autonomia-erkidegoek aurreikusi beharke lituzketen erantzun humanitarioako gutxieneko estandarrek ezartzea, eta horretarako behar diren baliabide ekonomikoez hornitzea. -Etorkinen Harrera eta Integrazioa Laguntzeko Funtsa berriro jarri eta behar bezala hornitzea.
<p>Erregularizatu gabeko egoeran dauden migratzaileak.</p> <p>Erregularizatutako dokumentaziorik gabe eta ahultasun-egoeretan dauden migratzaileei erantzun humanitarioa emateko behar diren baliabideak sortzea.</p>	<p>Helburua</p> <ul style="list-style-type: none"> -Iragaitzako migratzaileei erantzun humanitarioa emateko antolaketa-plana izatea, gainontzeko eskal-erakundeekin eta gizarte-erakunde espezializatuekin adostuta. -Erakundeen arteko koordinazioko eta koordinazio sozialeko esparru bat izatea. -Iragaitzako migratzaileentzat 3-5 eguneko larrialdiko harrerarako zentroak eta plazak izatea. -Ahultasun-egoeran dauden migratzaileentzako 15-20 eguneko egonaldietarako zentroak eta plazak izatea. -Migratzaileen integrazioari laguntzeko programak indartzea.
<p>Egindakoa edo aurreikusitakoa</p> <ul style="list-style-type: none"> -Udazken honetan egingo da uda honetan egindako lana oinarri hartuta. -Badago 2018ko udan sortutako lan-mahai bat, zeina Immigrazioako Foroko lantalde bat bihurtuko baita. -213 plaza sortu dira, lau zentrotan. 2019rako beharren ebaluazioa egingo da. -Berrizen zentro bat sortu da. 2019rako beharren ebaluazioa egingo da. -Herritartasunaren, kulturartekotasunaren eta inmigrazioaren esparruan jarluteko V. Plana (2018-2020) onartu da 102 ekintzeekin -Harrera Programako plaza kopurua handitu da. 2019rako beharren ebaluazioa egingo da. 	

Eskumen-eremuak

Europar Batasuna	Espainiako Gobernua	Euskal Autonomia Erkidegoa Eusko Jauriaritza
<p>Gaikako helburuak</p> <ul style="list-style-type: none"> ·Bidaiderik gabeko gazte atzerritarrak gizarteratzea eta laneratzea babesteko Europako programa bat ezartzea. 	<p>Espainiako Gobernua</p> <ul style="list-style-type: none"> ·Autonomia-erkidego guztien arteko koordinazio-esparru bat eratzea. ·Bidaiderik gabeko adingabe atzerritarrei erantzuteko ahalegina autonomia-erkidegoen artean zuzentasunez banatzeko gako bat sustatzea (SHARE Proposamena). ·Konpromiso hori baliabide ekonomikoz eta denboran irauteko bermeaz hornitzea. ·Bidaiderik gabeko adingabe atzerritarren harrerarako eta integrazioarako zerbitzuetan estandarrak ezarriko dituzten arauzko tresnak harmonizatzea. ·Bidaiderik gabeko adingabe atzerritarren jatorriko herrialdeekin akordioak sustatzea haurrek beren familiak utzi behar ez dituzten baldintzak bultzatzeko, hala nola lanbide-heziketarako laguntza, garapenerako lankidetzako proiektuak edo familiarekin itzultzeko programak. 	<p>Helburua</p> <ul style="list-style-type: none"> ·Foru-aldundiei laguntzea bidaiderik gabeko adingabe atzerritarrei erantzuten. ·Egoitza-baliabideei buruzko 131/2008 Dekretua aldatzea sustatzea. ·Bidaiderik Gabeko Adingabe Atzerritarren Harrera Urgenteko Jarduketa Protokoloa eguneratzea. ·Bidaiderik gabeko adingabe atzerritarren jatorriko herrialdeetako kogarapeneko proiektuak sustatzea, hartara adingabeek beren familiak utzi behar ez dituzten. ·Bidaiderik gabeko gazte atzerritarrak gizarteratzeko eta laneratzekeko plan integral bat koordinatu eta dinamizatzea. <p>Egindakoa edo aurreikusitakoa</p> <ul style="list-style-type: none"> ·Sailen eta erakundeen arteko lan-mahai bat eratu da, zeina Immigrazioarako Foroko lantalde bihurtuko baita. ·Abian da. ·Abian da. ·Garapenerako Lankidetzaren Euskal Agentzia zenbait aukera aztertzen ari da. ·Abian da eta azaroan aurkeztuko da.